



# **Universitätsbibliothek Paderborn**

**Quotidiana Christiani Militis Tessera**

**Stanyhurst, Guillaume**

**Coloniæ Agrippinæ, 1710**

21. Dies Junii. Amor, est otiosorum negotium.

**urn:nbn:de:hbz:466:1-45477**

## 21. DIES JUNII.

Amor, est otiosorum negotium.  
*Cato major.*

*Amor car-  
nis, est o-  
dium  
mentis.*

I. **A**MOR est morum instructor. Ut igitur rectè excolas mores; vide, quò tui ferantur amores. Quanta igitur adhibenda diligentia, ut prudenter feligat, quod utiliter diligit. Qualis enim fuerit amor, quo flagras, talis erit & vita, quam agis. Qui benè amat, benè vivet; qui verò benè vixerit, benè etiam amabit: adeò, ut si malè collocatus sit amor; totum etiam vitæ tempus malè collocetur. Amor novus, qui in ætatis vere, ex recenti pullulat sanguine, venenum est, quod subito per venas manat; aconitum est, quod viscera confeſtim penetrat; spasmus, quo membra subito torpeſcent; angina, quæ cor statim strangulat; bonæ denique mentis est pestis, & interitus. Quid dicam? nescio, etiamsi quod dicere volo, sentiam. Nemo enim amorem habet in ore; quin dolorem percipiat in corde, quia ubi est amor, ibi amator. Ovidius tantus amandi Magister, ut scriperit librum de arte amandi, dicit: *Est Amor, nescio quid; venit, nescio unde; immittitur, nescio à quo; nascitur, nescio quomodo; capitur, nescio quibus; sentitur nescio quando; interimit, quamobrem.*

II. Si libido est, cognoscere, quid sit Amor, aspice ejus lineamenta, ab Epicteto expressa. *Amor est otiosus pectoris*

(4)

peitoris molestia; in puerō pudor, in virginē rubor, in famina furor, in juvēne ardor; in sene risus. Romani, olim templum Veneri dicārunt, via Salaria, cum inscriptione hac: *Veneri Verticordiae*, indicantes, amorem Venereum, corda quoquo libuerit, vertere, invertire, pervertere. (a) Averterunt mulieres cor ejus: Cujus? O pudor! illius, qui erat ob sapientiam, mundi oraculum: Cujus? O dolor! qui erat ob scientiam, doctrinæ prodigium; Salomonis, inquam, qui ita sapuit; ut per excellentiam, vocetur sapiens. Faetus est amando sic amens, ac si nulla in eo foret mens: evasit vecors, & excors, per Venerem Verticordiam. Vin⁹ illius Verticordiae Veneris, aliud stratagem⁹? Galeatus Manruanus, inter primos sui scutuli Heroes, cùm fortè puellam, quam deperibat, in ponte obviam haberet, illa joci gratiā: Quintu, inquit, bellissime amator, qui tantum tibi in acie placet, è ponte in amnem amoris gratiā desilis? Ille cum equo statim se præcipitem dedit, quo exanimato, vix natando è Ticino emersit. Nonne averterat mulier una cor ejus? Quid fuit aliud, ob unius sordidulæ puellæ vocem, sic de ponte desilire, quām extremam infaniam insanire? Quām prudenter dixit Cato: Amorem, esse otiosorum negotium, quia hic affectus potissimum occupat otio deditos: ita fit, ut dum otio vacant, in rem negotiosissimam incident, illud enim otium, magnum illis facessit negotium.

III. Hoc unum sit tibi, contra morbum hunc periculosissimum, remedium; ut nunquam incipias amare. Incipies despere; si incipias malè diligere. Tam mala bestia est amor; ut tenui filo capi, & ligari  
sc si-

(a) 3. Reg. II.

te sinat, ut nullis postea armis, aut machinis abigi possit. Hic illud verum est: *Ægrius ejicitur quam non admittitur hospes.* Canem caudâ, lupum auribus tenere laboriosum; dimittere pericolosum est. Sic impudicum amorem facile in cor indux eris; sed non tam facile ejeceris. Hamus est amor, qui capit, dum capit. Vide igitur, cum quibus tibi sit commercium. Talos quidem in manus, & potestate habet lusor; sed jaëtus admodum est incertus. Deinde substrahe huic igni, ne ardeat ligna; ille ingerunt, Bacchus, & Ceres, sive ventris ingluvies. Recte Comicus Poëta: *Sine Cerere, & Baccho, friget Venus:* Ergo ne in te Venus ardeat, ut frigeat, sæpè venter esurit, guttur sitiat. Ebrietas pedissequa, semper est luxuria. Ut homini cicuta est venenum; ita & lyæum. Bacchi fervorem, lymphâ temperandum, monent Sapientes. Et alius, primum poculum, ait, esse necessitatis; secundum, hilaritatis; tertium, voluptatis; quartum, furoris. Deinde sæpè cum otio tecum expenda mna, quæ amor infert amanti, nihil aliud, quam corpori imbecillitatem, labem famæ, facultatibus detimentum, vitæ exitium, proximo scandalum, & tandem animæ æternum exitium. Sed & in hac pugna, opus est fuga. Fuge mulieris faciem, quasi animafacem: illius vultus tibi erit vulnus. In hac re locum habet illud adagium, in servitute amoris: *Aut servi, tanquam servus; aut fugi tanquam cervus,* ut possis dicere: (a) *Posuisti pedes meos, quasi cervorum.* A vero igitur non aberrat hoc Metrum:

*Sirenum cupis incolunem servare salutem;*

*Sirenum cantus effuge, sannus eris.*

22. DIES

(a) *Psal. 17. 34.*